

丁籤九十三白居易

之四十三

唐音統籤卷

四百四十二

七言律詩七 後集

早春醉吟寄太原令狐相公蘇州劉郎中

雪夜閑遊多秉燭花時暫出亦提壺別來少遇新
詩敵老去難逢舊飲徒大振威名降北虜勤行惠
化活東吳不知歌酒騰騰興得似河南醉尹無

酬舒三員外見贈長句

自請假來多少日五旬光景似須臾已判到老爲
狂客不分當春作病夫楊柳花飄新白雪櫻桃子
綴小紅珠頭風不敢多飲能酌三分相勸無

和夢得

夢得來詩云謾讀圖書四十車年年為那老天涯一生不得文章力百口

空為飽

媛家

綸閣沉沉無寵命蘇臺籍籍有能聲豈唯不得清
文力但恐空傳冗吏名卽署迴翔何水部江湖留
滯謝宣城所嗟非獨君如此自古才難共與命爭

贈草堂宗密上人

吾師道與佛相應念念無為法法能口藏宣傳十
二部心臺照耀百千燈盡離文字非中道長住虛
空是小乘少有人知菩薩行世間只是重高僧

喜照密閑實四上人見過

紫袍朝士白髯翁與俗乖疎與道通官秩三廻分
洛下交遊一半在僧中臭帑世界終須出香火因
緣久願同齋後將何充供養西軒泉石北窓風

贈皇甫六張十五李二十三賓客

昨日三川新罷守今年四皓保分司幸陪勺秩閒
居日好是登山臨水時家未苦貧常醞酒身雖衰
病尚吟詩龍門泉石香山月早晚同遊報一期

池上閣詠

青莎臺上起書樓綠藻潭中繫釣舟日晚愛行深
竹裏月明多上小橋頭暫嘗新酒還成醉亦出中

門便當遊一部清商聊送老白鬚蕭颯管絃秋

和高僕射罷節度讓尚書授少保分司喜遂

遊山水之作

斲醉八座罷雙旌便作登山臨水行能以忠貞酬
重任不將富貴礙高情朱門出去簪纓從絳帳歸
來歌吹迎鞍轡鬧裝光滿馬何人信道是書生

醉送李二十常侍赴鎮浙東

靖安客舍花枝下共脫青衫典濁醪今日洛橋還
醉別金杯翻汗麒麟袍喧闐夙駕君脂轄酪酎雞
筵我藉糟好去青山紫芝伴珊瑚鞭動馬頭高

醉別程秀才

五度龍門點額迴却緣多藝復多才貧泥客路粘
難出愁瑣鄉心掣不開何必更遊京國去不如且
入醉鄉來吳絃楚調瀟湘弄爲我殷勤送一杯

程生

音琴尤能
沉湘曲

自詠

白衣居士紫芝仙半醉行歌半坐禪今日維摩兼
飲酒當時綺季不請錢等閒池上留賓客隨事燈
前有管絃但問此身銷得否分司氣味不論年

送陳許高僕射赴鎮

敦詩閱禮中軍帥重士輕財大丈夫常與師徒同
苦樂不教親故隔榮枯花鈿坐遠黃金印絲竹行
隨白玉壺商皓老狂唯愛醉時時能寄酒錢無

同諸客題于家公主舊宅

平陽舊宅少人遊應是遊人到卽愁春穀鳥蹄桃
李院絡絲蟲怨鳳皇樓臺傾滑石猶殘砌簾斷珍
珠不滿鉤聞道至今蕭史在髭鬚雪白向明州

送舒著作重授省郎赴闕

三歲相依在洛都遊花宴月飽歡娛借別笙歌多
怨咽願留軒蓋少踟躕劍磨光彩依前出鵬舉風

雲逐後驅從此求，闕應不得更能重。醉白家無

同諸客嘲雪中馬上妓

珊瑚鞭鞞馬，踟躕引手低。蛾索一盂腰，爲逆風成。
弱柳面因衝冷，作凝酥。銀篋穩簪烏羅帽，花襜宜
乘叱撥駒。雪裏君看何所似，王昭君妹寫真圖。

喜劉蘇州恩賜金紫遙想賀宴以詩慶之

海內姑蘇太守賢，恩加章綬豈徒然。賀賓喜色欺
杯酒，醉妓歌聲過管絃。魚珮葦鱗光照地，鶻銜瑞
帶勢冲天。莫嫌髻上些些白金紫，從來稱長年。

藍田劉明府携酌相過與皇甫郎中卯時同

飲醉後贈之

臘月九日煖寒客卯時十分空腹杯玄晏舞狂鳥
帽落藍田醉倒玉山頽貌偷花色老蹇去歌蹋柳
枝春闈來不爲劉家賢聖物愁翁笑口大難開

早春憶蘇州寄夢得

吳苑四時風景好就中偏好是春天霞光曙後殷
於火水色晴來嫩似煙士女笙歌宜月下使君金
紫稱花前誠知歡樂堪留戀其柰離鄉已四年

池上閒吟二首

高臥閑行自在身池邊六見柳條新幸逢堯舜無

爲日得作羲皇向上人
四皓再除猶且健三州罷
守未全貧莫愁客到無
供給家醞香濃野菜春
非莊非宅非蘭若竹樹池
亭六畝餘非道非僧非
俗吏褐裘烏帽閉門居
夢遊信意寧殊蝶心樂身
閑便是魚雖未定知生與
死其間勝負兩何如

早春招張賓客

久雨初晴天氣新
風煙草樹盡欣欣
雖當冷落衰殘日
還有陽和煖活身
池色溶溶藍染水
花光焰焰火燒春
商山老伴相收拾
不用隨他年少人
家釀新熟每嘗輒
醉妻侄等勸令少
飲因成

長句以諭之

君應怪我朝朝飲不說向君君不知身上幸無病
痛處癢頭正是撇嘗時劉妻勸諫夫休醉王侄分
疎叔不癡六十三翁頭雪白假如醒點欲何爲

晚春閑居楊工部寄詩楊常州寄茶同到因
以長句答之

宿醒寂寞眠初起春意闌珊日又斜勸我加餐因
早笋恨人休醉是殘花悶吟工部新來句渴飲毗
陵遠到茶兄弟東西官職冷門前車馬向誰家
玉泉寺南三里澗下多深紅躑躅繁艷殊常

感情題詩以示遊者

玉泉南澗花竒怪不似花叢似火堆今日多情唯
我到每年無故爲誰開寧辭辛苦行三里更與留
連飲兩杯猶有一般孤負事不將歌舞管絃來

早服雲母散

曉服雲英漱井華寥然身若在煙霞藥銷日晏三
匙飯酒渴春深一碗茶每夜坐禪觀水月有時行
醉翫風花淨名事理人難解身不出家心出家

侍中晉公欲到東洛先蒙書問期宿龍門思
往感今輒獻長句

昔蒙興化池頭送

太和三年春居易授賓客分司東來時蒙侍中于興化里池上

宴送今許龍門潭上期聚散但慙長見念榮枯安敢

道相思功成名遂來雖又雲臥山遊去未遲聞說

風情筋力在只如初破蔡州時

奉和晉公侍中蒙除留守行及洛師感悅發

中斐然成詠

鸞鳳翱翔在寥廓貂蟬瀟洒出埃塵致成堯舜昇

平代收得夔龍強健身拋擲功名還史冊分張歡

樂與交親南山老皓雖休去終是留侯門下人

送劉五司馬赴任硤州兼寄崔使君

位下才高多怨天劉兄道勝獨恬然貧於楊子兩
三倍老過榮公六七年筆硯莫拋齧壓茶蘆瓢從
陋也銷錢郡丞自合當優禮何況夷陵太守賢

菩提寺上方晚眺

樓閣高低樹淺深山光水色冥沉沉嵩煙半卷青
綃幕伊浪平鋪綠綺衾飛鳥滅時宜極目遠風來
處好開襟誰知不離簪纓內長得逍遙自在心

讀禪經

須知諸相皆非相若作無餘却有餘言下忘言一
時了夢中說夢兩重虛空花豈得兼求果陽焰如

何更覓魚攝動是禪禪是動不禪不動卽如如

感興二首

吉凶禍福有來由但要深知不要憂只見火光燒
潤屋不聞風浪覆虛舟名爲公器無多取利是身
災合少求雖異匏瓜難不食大都食足早宜休

魚能深入寧憂釣鳥解高飛豈觸羅熱處先爭炙
手去悔時其柰噬臍何樽前誘得猩猩血幕上偷
安燕燕窠我有一言君記取世間自取苦人多

閉居有所思二首

向夕褰簾臥枕琴微涼入戶起開襟偶因明月清

風夜忽想遷臣逐客心
向處投荒初恐懼誰人遠
澤正悲吟始知洛下分司坐
一日安閒真萬金
權門要路是身災散地闔居少禍胎
今日憐君嶺南去當時笑我洛中來
蠱全性命緣無毒木盡天年爲不才
大抵吉凶多自致李斯一去二疎迴

哭崔二十四常侍

崔好酒放歌志懷生死知疾不起自爲誌文

貂冠初別九重門馬鬣新封四尺墳
薤露歌詞非白雪旌銘官爵是浮雲
伯倫每置隨身鍾元亮先爲自祭文
莫道高風無繼者一千年內有崔君

代琵琶弟子謝女師曹供奉寄新調弄譜

琵琶師在九重城忽得書來喜且驚一紙展看非

舊譜四絃翻出是新聲蕤賓掩抑嬌多怨散水玲

瓏峭更清珠顆淚霑金捍撥紅粧弟子不勝情蕤

散水皆

新調名

曉上天津橋閉望偶逢盧郎中張員外携酒

同傾

上陽宮裏曉鐘後天津橋頭殘月前空濶境疑非

下界飄飄身似在寥天星河隱映初生日樓閣蔥

龍半出煙此處相逢傾一盞始知地上有神仙

八月十五日夜同諸客翫月

月好共傳唯此夜境閔皆道是東都高山表裏千
重雪洛水高低兩顆珠清景難逢宜愛惜白頭相
勸強歡娛誠知亦有來年會保得晴明強健無

酬皇甫郎中對菊花見憶

愛菊高人吟逸韻悲秋病客感衰懷黃花助興方
携酒紅葉添愁正滿塔居士葦暈今已斷仙郎杯
杓爲誰排愧君相憶東籬下擬廢重陽一日齋

夜宴醉後留獻裴侍中

九燭臺前十二姝主人留醉任歡娛翩翩舞袖雙
飛蝶宛轉歌聲一索珠坐久欲醒還酪酏夜深初

散又

一作臨
去更

踟躕南山賓客東山妓此會人間曾

有無

和韋庶子遠坊赴西夜先歸之作兼呈裴

員外

員外亦愛
先逃歸

促席留歡日未曛遠坊歸思已紛紛無妨按轡行

乘月何必逃杯走似雲銀燭忽拋楊柳曲金鞍潛

送石榴裙到時常晚歸時早笑樂三分校一分

送姚杭州赴任因思舊遊二首

與君細話杭州事為我留心莫等閒問里固宜勤

撫恤樓臺亦要數躋攀笙歌縹緲虛空裏風月依

稀夢想間且喜詩人重管領遙飛一盞賀江山

渺渺錢塘路幾千想君到後事依然靜逢竺寺猿

偷橘閑看蘇家女採蓮故妓數人憑問訊新詩兩

首倩留傳舍人雖健無多興老校當時八九年杭民

呼余為
白舍人

和劉汝州酬侍中見寄長句因書集賢坊勝

事戲而問之

洛川汝海封畿接履道集賢來往頻一復時程雖

不遠百餘步地更相親汝去洛程一宿履道集賢
兩宅相去一百三十步

朱門陪宴多投轄青眼留歡任吐茵聞道郡齋還

有酒風前月下對何人

五月齋戒罷宴徹樂聞韋賓客皇甫郎中飲
會亦稀又知欲携酒饌出齋先以長句呈謝
妓房匣鏡滿紅埃酒庫封甌生綠苔居士爾時緣
護戒車公何事亦停杯散齋香火今朝散開素盤
筵後日開隨意往還君莫怪坐禪僧去飲徒來

偶吟

好官病免曾三度散地歸休已七年老自退閑非
世棄貧蒙強健是天憐韋荆南去留春服王侍中
來乞酒錢便得一年生計足與君美食復甘眠

池上卽事

移床避日依松竹解帶當風挂薜蘿
鈿砌池心綠蘋合粉開花面白蓮多
又陰新霽宜絲管苦熱初涼入綺羅
家醞瓶空人客絕今宵寧奈月明何

諭親友

適情處處皆安樂大抵園林勝市朝
煩鬧榮華猶易過優閒福祿更難銷
自憐老大宜疎散却被交親歎
寂寥終日相逢不相見兩心相去一何遙

劉涿州寄釀酒糯米李浙東寄楊柳枝舞衫
偶因嘗酒試衫輒成長句寄謝之

柳枝謾蹋試雙袖桑落初香嘗一杯金屑醅濃吳
米釀銀泥衫穩越娃裁舞時已覺愁眉展醉後仍
教笑口開慙愧故人憐寂寞三千里外寄歡來

韋七自太子賓客再除秘書監以長句賀而

餞之

韋往年嘗與
予同爲秘書監

離筵莫愴且同歡共賀新恩拜舊官屈就商山伴
麋鹿好歸芸閣狎鶴鸞落星石上蒼苔古畫鶴廳
前白露寒老監姓名題在壁相思試爲拂塵看

九年十一月二十一日感事而作

自注其日
獨遊香山

寺圖章子厚云樂天此詩幾如幸禍蘇子
瞻云樂天豈幸人之禍者蓋悲之也今考

太和九年是日有甘露之變所云幸禍爲
王涯言也先是居易丁母憂起復授太子
贊善有言其母以看花墜井死作賞花新
井詩傷名教者坐貶刺史時涯爲中書舍
人復論治郡非宜迫改司馬江州故章之
說如此而蘇公復爲解之余謂幸禍卽非
公所忍然其隙之
深則不可掩矣

是福茫茫不可期大都早退似先知當君白首同
歸口是我青山獨往時顧索素琴應不暇憶牽黃
犬定難追麒麟作脯龍爲醢何似泥中曳尾龜

將歸渭村先寄舍弟

一年年覺此身衰一日日知前事非詠月嘲風先
要減登山臨水亦宜稀子平嫁娶貧中畢元亮田

園醉裏歸爲報阿連寒食下與君釀酒掃柴扉

詠懷

隨緣逐處便安閒不入朝廷不住山心似虛舟浮
水上身同宿鳥寄林間尚平婚嫁了無累馬翮符
章封却還時阿羅初嫁及
同州官吏放歸處分貧家殘活計正如
身後莫相關

丁籤九十三白居易

之四十四

唐音統籤卷

四百四十三

七言律詩八

後集

從同州刺史改授太子少傅分司

承華東署三分務履道西池七過春歌酒優游聊

卒歲園林瀟洒可終身留侯爵秩誠虛貴疏受生

涯未苦貧月俸百千官二品朝廷雇我作閑人

張良

疏受並為太子少傅

老來生計

老來生計君看取白日遊行夜醉吟陶令有田唯

種黍鄧家無子不留金人間榮耀因緣淺林下幽

閑氣味深煩慮漸銷虛白長一年心勝一年心

春來頻與李二賓客郭外同遊因贈長句

風光引步酒開顏送老消春嵩洛間朝踏落花相
伴出暮隨飛鳥一時還我爲病叟誠宜退君是才
臣豈合閑可惜濟時心力在放教臨水復登山

清明日登老君閣望洛城贈韓道士

風光煙火清明日歌哭悲歡城市間何事不隨東
洛水誰家又葬北邙山中橋車馬長無已下渡舟
航亦不閑冢墓纍纍人擾擾遼東悵望鶴飛還

三月三日

畫堂三月初三日絮撲窓紗燕拂簷蓮子數杯嘗
冷酒柘枝一曲試春衫階臨池面勝看鏡戶映花
藜當下簾指點樓南玩新月玉鈎素手兩纖纖

酬鄭二司錄與李六郎中寒食日相遇同宴

見贈

二人並
是同年

偶因冷節會嘉賓况是平生心所親
迎接須矜疎傳老祗供莫笑阮家貧
杯盤狼籍宜親夜風景闌珊欲過春
相對喜歡還悵望同年只有此三人

喜楊六侍御同宿

岸幘靜言明月夜匡床閉臥落花朝
二三月裏饒

春睡七八年來不早朝濁水清塵難會合高鵬低
鷄各逍遙眼看又上青雲去更卜同衾一兩宵

閑居春靜

閑泊池舟靜掩扉老身慵出客來稀愁應暮雨留
教住春被殘鶯喚遣歸揭甕偷嘗新熟酒開箱試
著舊生衣冬裘夏葛相催促垂老光陰速似飛

池上逐涼二首

青苔地上消殘暑綠樹陰前逐晚涼輕屐單衫薄
紗帽淺池平岸痺藤床簪纓怪我情何薄泉石諳
君味甚長徧問交親爲老計多言宜靜不宜忙

窻間睡足休高枕水畔行來上小艦
棹遣禿頭奴子撥茶教織手侍兒煎
門前便是紅塵地林外無非赤日天
誰信好風清簟上更無一事但翛然

老夫

七八年來遊洛都三分遊伴二分無
風前月下花園裏處處唯殘个老夫
世事勞心非富貴人生實事是歡娛
誰能逐我來閑坐時共酣歌傾一壺

宿香山寺酬廣陵牛相公見寄

來詩云唯羨東都白居士

月明香積問禪師時牛相三表乞退有詔不許

手札八行詩一篇無由相見但依然
君匡聖主方

行道我事空王正坐禪支許徒思遊白月菱籠未

放下青天應須且爲蒼生住猶去懸車十四年

牛相

公今年
五十七

以詩代書寄戶部楊侍郎勸買東隣王家宅

勸君買取東鄰宅與我衡門相並開雲映高峯當
戶爛月和伊水入池臺林園亦要趁閒置筋力應
須及健迴莫學因循白賓客欲年六十始歸來

嘗酒聽歌招客

一甕香醪新插筍雙鬟小妓薄能謳管絃漸好新
教得羅綺雖貧免外求世上貪忙不覺苦人間除

醉卽須愁不知此事君知否君若知時從我遊

喜夢得自馮翊歸洛兼呈令公

上客新從左輔迴高陽興助洛陽才已將四海聲
名去又占三春風景來甲子等頭憐共老文章敵
手莫相猜鄒枚未用爭詩酒且飲梁王賀喜杯

齋戒滿夜戲招夢得

紗籠燈下道場前白日持齋夜坐禪無復更思身
外事未能全盡世間緣明朝又擬親杯酒今夕先
開理管絃方丈若能來問疾不妨兼有散花天

答夢得秋庭獨坐見贈

林梢隱映夕陽殘
庭際蕭疎夜氣寒
霜剝欲枯蟲思急
風枝未定鳥棲難
容衰見鏡同惆悵
身健逢杯且喜歡
應是天教相煖熱
一時垂老與閑官

長齋月滿携酒先
與夢得對酌醉中
同遊令公之宴戲
贈夢得

齋公前日滿三旬
酒榼今朝一拂塵
乘興還同訪戴客
解醒仍對姓劉人
病心腸沃寒灰活
老面花生朽木春
若怕平原怪先醉
知君未慣吐車茵

吳祕監每有美酒
獨酌獨醉但蒙詩
報不以飲招輒此
戲酬兼呈夢得

蓬山仙客下煙霄對酒唯吟獨酌謔不怕道狂揮

玉爵

記云飲玉爵者弗揮

亦曾乘輿換金貂

吳監前任君稱散騎常侍

名士誇能飲

王孝伯云但常無事讀離騷痛飲只可稱名士

我是愚夫可

見招

獨酌謔云愚夫可不招

賴有伯倫為醉伴何愁不去傲

松喬

初冬月夜得皇甫澤州手札并詩數篇因遣

報書偶題長句

清冷玉韻兩三章落落箔銀鈎七八行心逐報警懸

馬足夢尋來路遶羊腸水南空地參明月山北天

樂足早霜

履道所居在水南澤州在太行之北地也

最恨溪醅新熟酒

迎冬不得共君嘗

題酒甕呈夢得

若無清酒兩三甕爭向白髮千萬莖麴蘖銷愁真
得力光陰催老苦無情凌煙閣上功無分伏火爐
中藥未成更擬共君何處去且來同作醉先生

迂叟

一辭魏闕就商賔散地閑居八九春初時被目爲
迂叟近日蒙呼作隱人冷煖俗情諳世路是非閑
論任交親應須繩墨機關外安置踈愚鈍滯身

洛下閑居寄山南令狐相公

已收身向園林下猶寄名於祿仕聞不鍛嵇康彌
懶靜無金踈傳更貧閤吏分門內餘生計謝絕朝
中舊往還唯是相君忘未得時思漢水夢巴山

對酒勸令公開春遊宴

時泰歲豐無事日功成名遂自由身前頭更有志
憂日向上應無快活人自去年來多事故從今日
去少交親宜須數數謀歡會好作開成第二春

與夢得偶同到敦詩宅感而題壁

山東纔副蒼生願漢書云山東出相川上俄驚逝水波履

道淒涼新宅第敦詩宅在履道修造初成宣城零落舊笙歌崔家

效樂多歸
宣州也

園荒唯有薪堪採
門冷兼無雀可羅
今

日相隨偶同到
傷心不是故經過

春夜宴席上戲贈裴淄州

九十不衰真地仙

謂淄州也

六旬猶健亦天憐

謂予自今

年相遇鶯花月
此夜同歡歌酒筵
四座齊聲和絲竹
兩家隨分鬪金鈿
留君到曉無他意
圖向君前作少年

贈夢得

年顏老少與君同
眼未全昏耳未聾
放醉臥爲春日伴
越歡行入少年叢
尋花借馬煩川守
弄水偷

解惱令公聞道洛城人盡怪呼爲劉白二狂翁

同夢得寄賀東西川二楊尚書

龍節對持真可愛雁行相接更堪誇兩川風景同
三月千里江山屬一家尊衛定知連氣色潘楊亦
覺有光華

予與二公皆忝姻眷

應憐洛下分司伴冷宴閑遊

老看花

喜小樓西新柳抽條

一行弱柳前年種數尺柔條今日新漸欲拂他騎
馬客未多遮得上樓人須教碧玉羞眉黛莫與紅
桃作爲報金堤千萬樹饒伊未敢苦爭春

偶作

籃舁出卽忘歸舍柴戶昏猶未掩關聞客病時慙
體健見人忙處覺心閒清涼秋寺行香去和煖春
城拜表還木雁一篇須記取致身才與不才閒

同夢得酬牛相公初到洛中小飲見贈

時牛相公

辭罷揚州節度
就拜東都留守

淮南揮手拋紅旆洛下迴頭向白雲政事堂中老
丞相制科場裏舊將軍官城煙月饒全占關塞風
光請半分詩酒放在猶得在莫欺白叟與劉君

送李滁州

君於覺路深留意我亦禪門薄致功未悟病時須
去病已知空後莫依空白衣臥病嵩山下阜蓋行
春楚水東誰道三年十里別兩心同在道場中

閔吟贈皇甫郎中親家翁

新與皇甫結姻

誰能嗟嘆光陰暮豈復憂愁活計貧忽忽不知頭
上事時時猶憶眼中人早爲良友非交勢晚接嘉
姻不失親最喜兩家婚嫁畢一時抽得尚平身

令狐相公與夢得交情素深眷余分亦不淺
一聞薨逝相顧泫然旋有使來得前月未殯
之前數日書及詩寄贈夢得哀吟悲歎寄情

於詩詩成示余感而繼和

緘題重疊語殷勤存歿交親自此分前月使來猶
理命今朝詩到是遺文銀鉤見晚書無報玉樹埋
深哭不聞最感一行絕筆字尚言千萬樂天君

與夢得手札後云見樂
天君爲伸千萬之誠也

洛下雪中頻與劉李二賓客宴集因寄汴州

李尚書

水南水北總紛紛雪裏歡遊莫厭頻日日闌來唯
老病年年少去是交親碧氈帳煖梅花濕紅燎爐
香竹葉春今日鄒枚俱在洛梁園置酒召何人

閑適

祿俸優饒官不卑
就中閑適是分司
風光煖助遊人處
雨雪寒供飲宴時
肥馬輕裘還且有
麤歌薄酒亦相隨
微躬所要今皆得
只是蹉跎得校遲

戲贈夢得兼呈思黯

雙鬢莫欺今老矣
傳曰今老矣無能為也
一杯莫笑便陶然

陳郎中處為高戶
裴使君前作少年
陳商郎中酒戶滑滴裴洽

使君年九十
顧我獨狂多自哂
與君同病最相憐
月終

齋滿誰開素
須擬竒章置一筵

早春憶遊思黯南莊
因寄長句

南莊勝處心常憶借問軒車早晚遊美景難忘竹
廊下好風爭奈柳橋頭水消見水多於地雪霽看
山盡入樓若待春深始同賞鶯殘花落却堪愁

奉和思黯自題南莊見示兼呈夢得

謝家別墅最新奇山展屏風花夾籬曉月漸沉橋
脚底晨光初照屋梁時臺頭有酒鶯呼客水面無
塵風洗池除却吟詩病閑客此中情狀更誰知

送蘄春李十九使君赴郡

可憐官職好文詞五十專城未是遲曉日鏡前無
白髮春風門外有紅旗郡中何處堪携酒席上誰

人解和詩唯共交親開口笑知君不及洛陽時

寒食日寄楊東川

不知楊六逢寒食作底歡娛過此辰
兜率寺高宜望月嘉陵江近好遊春
蠻旗似火行隨馬蜀妓如花坐遶身
不使黔婁夫婦着誇張富貴向何人

早夏曉興贈夢得

窓明簾薄透朝光臥整巾簪起下床
背壁燈殘經宿焰開箱衣帶隔年香
無情亦任他春去不醉爭銷得
晝長一部清商一壺酒與君明日煖新堂

寄李蘄州

下車書奏蘇黃謀動筆詩傳鮑謝風江郡謳謠誇
杜母洛城歡會憶車公笛愁春盡梅花裏簾冷秋
生藤葉中新州出好笛并藤葉簾不道新州歌酒少使君難
稱與誰同

酬思黯相公晚夏雨後感秋見贈

暮去朝來無歇期炎涼闢向雨中移夜長紙合愁
人覺秋冷先應瘦客知兩幅彩箋揮逸翰一聲寒
玉振清辭無憂無病身榮貴何故沉吟亦感時

久雨悶悶對酒偶吟

淒淒苦雨闌銅駝嫋嫋涼風起渭河自夏及秋晴

日少從朝至暮悶時多鷺臨池立窺魚符隼傍林
飛拂雀羅賴有杯中神聖物百憂無奈十分何

題謝公東山障子

賢愚共在浮生內貴賤同趨羣動間多見忙時已
衰病少聞健日肯休閑鷹飢受縲從難退鶴老乘
軒亦不還唯有風流謝安石拂衣携妓入東山

懷詠寄皇雨朗之

老大多情足往還招僧待客夜開關學調氣後衰
中健不用心來鬧處閉養病未能辭薄俸忘名何
必入深山與君別有相知分同置身於木雁間

與夢得沽酒閑飲且約後期

少時猶不憂生計老後誰能惜酒錢
共把十千沽一斗相看七十欠三年
閑徵雅令窮經史醉聽清吟勝管絃
更待菊黃家醞熟共君一醉一陶然

與牛家妓樂雨夜合宴

玉管清絃聲旖旎翠釵細袖坐參差
兩家合奏洞房夜八月連陰秋雨時
歌臉有情凝睇久舞腰無力轉裙遲
人間歡樂無過此上界西方卽不知

和楊六尚書喜雨弟漢公轉吳興魯士賜章服命賓開宴用慶恩榮賦長句見示

華筵賀客日紛紛劍外歡娛洛下聞
朱紱寵光新照地形猶喜氣遠凌雲
榮聯花萼詩難和樂助填箎酒易醺
感羨料應知我意今生此事不如君

夢得相過援琴命酒因彈秋思偶詠所懷兼
寄繼之待價二相府

閑居靜侶偶相招小飲初酣琴欲調
我正風前弄秋思君應天上聽雲韶

雲韶雅曲上多與宰相同聽之時和始見

陶鈞方物遠方知盛聖朝
雙鳳棲梧魚在藻飛沉隨分各逍遙

九月八日謝皇甫十見贈

君方對酒綴詩章我正持齋坐道場處處追遊難
不去時時吟咏亦無妨霜蓬舊鬢三分白露菊新
花一半黃惆悵東籬不同醉陶家明日是重陽

慕巢尚書書石室人欲爲置一歌者非所安
也以詩相報因而和之

東川已過二二三春南國須求一兩人富貴大都多
老大歡娛太半爲親賓如愁翠黛應堪重買笑黃
金莫訴貧他日相逢一杯酒樽前還要落梁塵

杪秋獨夜

無識少年非我伴可憐清夜與誰同歡娛半落中

心少親故凋零四面空紅葉樹飄風起後白鬚人
立月明中前頭更有蕭條物老菊衰蘭三兩叢
同夢得和思黯見贈來詩中先叙三人同讌
之歡次有歎鬢髮漸衰嫌孫子催老之意因

酬妍唱兼吟鄙懷

醉伴騰騰白與劉何朝何夕不同遊留連燈下明
猶飲斷送樽前倒卽休催老莫嫌孫稚長加年須
喜鬢毛秋教他伯道爭存活無子無孫亦白頭

初冬卽事呈夢得

青毡帳煖喜微雪紅地爐深宜早寒走筆小詩能

和否深醅新酒試嘗看僧來乞食因留宿客到開
樽便共歡臨老友親零落盡希君恕我取人寬

天寒晚起引酌詠懷寄許州王尚書汝州李

常侍

葉覆冰池雪滿山日高慵起未開關寒來更亦無
過醉老後何由可得閒四海故交唯許汝十年貧
健是樊蠻相思莫忘櫻桃會一放狂歌一破顏

時數與許汝二
君歡會甚樂

四年春

柳梢薰嫩草芽新又入開成第四春近日放慵多

止屋

詩云瞻烏爰止于誰之屋言烏多止富家之屋也

門閉可與雀張羅

病添莊鳥吟聲苦貧欠韓康藥債多日望揮金賀

新命

來篇云若有金揮勝二疎

俸錢依舊又如何

時夢得罷賓客除秘監祿

俸畧同故云

齋戒

每日齋戒斷葷腥漸覺塵勞染愛輕六賊定知無

氣色三尸應恨少恩情酒魔降伏終須盡詩債填

還亦欲平從此始堪為弟子竺乾師是古先生

近見慕巢尚書詩中屢有歎老思退之意又

於洛下新置郊居然寵寄方深歸心大速因

以長句戲而諭之

近見詩中歎白髮遙知閩外憶東都
煙霞偷眼窺來久富貴粘身擺得無
新置林園猶蕩落未終婚嫁且踟蹰
應須待到懸車歲然後東歸伴老夫

對鏡偶吟贈張道士抱元

閒來對鏡自思量年貌衰殘分所當
白髮萬莖何所怪丹砂一粒不曾嘗
眼昏又被書料理肺渴多因酒損傷
今日逢師雖已晚枕中治老有何方

夢得前所酬篇有鍊盡美少年之句因思往事兼詠今懷重以長句答之

鍊盡少年成白首憶初相識到今朝昔饒春桂長

先折今伴寒松取後凋

昔登科第夢得多居先
今同暮年洛下爲老伴生

事縱貧猶可過風情雖老未全銷聲華寵命人皆

得若箇如君歷七朝

夢得貞元中及
今凡仕七朝也

病後寒食

故紗絳帳舊青氍藥酒醺醺引醉眠抖擻弊袍春
晚後摩挲病脚日陽前行無筋力尋山水坐少精
神聽管絃拋擲風光負寒食曾來未省似今年

老病相仍以詩自解

榮枯憂喜與彭殤都似人間戲一場
蟲臂鼠肝猶

不怪雞膚鶴髮復何傷
昨因風發甘長往
今遇陽和又小康
還似遠行裝束了
遲迴且住亦何妨

皇甫郎中親家翁赴任絳州宴送出城贈別
慕賢入室交先定
結援通家好復成
新婦不嫌貧活計
嬌孫同慰老心情
洛橋歌酒今朝散
絳路風烟幾日行
欲識離羣相戀意
爲君扶病出都城

丁籤九十三白居易之四十五

唐音統籤卷十四

七言律詩九 後集

殘春晚起伴客笑談

掩戶下簾朝睡足一聲黃鳥報殘春披衣岸幘日
高起兩角青衣扶老身策杖強行過里巷引盃閒
酌伴親賓莫言病後妨談笑猶恐多於不病人

送唐州崔使君侍親赴任

連持使節歷青城獨賀崔侯最慶榮烏府一拋霜

簡去朱輪四從板輿行

崔郎中從殿中連典四郡皆侍親赴任

發時

止許沙鷗送到日方乘竹馬迎唯慮郡齋賓友少

數盃春酒共誰傾

春晚詠懷贈皇甫朗之

艷陽時節又蹉跎
遲暮光陰復若何
一歲中分春日少
百年通計老時多
多中更被愁牽引
少裏兼遭病折磨
賴有銷憂治悶藥
君家濃酎我狂歌

春盡日宴罷感事獨吟

開成五年三月三十日作

五年三月今朝盡
客散筵空獨掩扉
病共樂天相伴住
春隨樊子一時歸
閒聽鶯語移時立
思逐楊花觸處飛
金帶緹腰衫委地
年年衰瘦不勝衣

病中辱崔宣城長句見寄兼有酹綺之贈因

以四韻繼而謝之

劉楨病發經春臥謝朓詩來盡日吟三
道舊詩收

片玉

昔予考制策
崔君登科也

一章新喜獲雙金信題霞綺緘

情重酒試銀觥表分深科第門生滿霄漢
歲寒少得似君心

談氏外孫生三日喜是男偶吟詩篇兼戲呈

夢得

玉芽珠顆小男兒羅薦蘭湯浴罷時
芣苢春來盈
女手梧桐老去長孫枝慶傳媒氏驚
先賀喜報談
無焦預知明日貧翁具雞黍應須
酬賽引鷓詩前年

談氏外孫女初生夢得有賀詩云從此引鸞雛今幸是男前言似有徵故云

開成大行皇帝挽歌詞

化成同軌表清平恩結連枝感聖明帝與九齡雖
吉夢山呼萬歲是虛聲月低儀仗辭蘭路風引笳
蕭入栢城老病龍髯攀不及東周退傅最傷情

宣州崔大夫閣老忽以近詩數十首見示吟

諷之下竊有所喜因成長句寄題郡齋

謝玄暉歿吟聲寢郡閣寥寥筆硯間無復新詩題

壁上虛教遠岫列窓間

謝宣城郡內詩云窓中列遠岫

忽驚歌雪

今朝至必恐文星昨夜還再喜宣城章句動飛觴

遙賀敬亭山

謝又有題敬亭山詩並見文選中

足疾

足疾無加亦不瘳。綿春歷夏復經秋。開顏且酌樽
中酒。代步多乘池上舟。幸有眼前衣食在。兼無身
後子孫憂。應須學取陶彭澤。但委心形任去留。

晚池汎舟遇景成詠贈呂處士

岸淺橋平池面寬。飄然輕棹汎澄瀾。風宜扇引開
懷入。樹愛舟行仰臥看。別境客稀知不易。能詩人
少詠應難。唯憐呂叟時相伴。同把礪溪舊釣竿。

夢微之

夜來携手夢同遊晨起盈巾淚莫收漳浦老身三
度病咸陽宿草八迴秋君埋泉下泥銷骨我寄人
間雪滿頭阿衛韓郎相次去夜臺茫昧得知不阿
衛微之男韓
郎微之婿

感秋詠意

炎涼遷次速如飛又脫生衣著熟衣遠壁關蛩無
限思戀巢寒燕未能歸須知流輩年年失莫歎衰
容日日非舊語相傳聊自慰世間七十老人稀

老病幽獨偶吟所懷

眼漸昏昏耳漸聾滿頭霜雪半身風已將心出浮

雲外

維摩經云是身如浮雲也

猶寄形於逆旅中觴詠罷來賓

閣閉笙歌散後妓房空世緣俗念消除盡別是人

間清淨翁

和楊尚書罷相後夏日遊永安水亭兼招本

曹楊侍郎同行

道行無喜退無憂舒卷如雲得自由良冶動時爲
哲匠巨川濟了作虛舟竹亭陰合偏宜夏水檻風
涼不待秋遙愛翩翩雙紫鳳入同官署出同遊

在家出家

衣食支吾婚嫁畢從今家事不相仍夜眠身是投

林鳥朝飯心同乞食僧清咲數聲松下鶴寒光一
點竹間燈中宵入定跏趺坐女喚妻呼多不應

繼之尚書自余病來寄遺非一又蒙覽醉吟
先生傳題詩以美之今以此篇用伸酬謝

衰殘與世日相疎惠好唯茲分有餘茶藥贈多因
病久衣裳寄早及寒初所寄贈之物皆及時交情鄭重金相
似詩韻清鏘玉不如醉傳狂言人盡笑獨知我者
是尚書

偶題鄧翁

公即給事中班之子也
飢窮老病退居此村

偶因携酒尋村客聊復迴車訪薜蘿且值雪寒相

慰問不妨春煖更經過翁居山下年空老我得人
間事校多一種共翁頭似雪翁無衣食自如何

寄題廬山舊草堂兼呈二林寺道侶

三十年前草堂主而今雖在鬢如絲登山尋水應
無力不似江州司馬時漸伏酒魔休放醉猶殘口
業未拋詩君行過到鑪峰下爲報東林長老知此詩
憑知進侍御往
題草堂中也

改業

先生老去飲無與居士病來閒有餘猶覺醉吟多
放逸不如禪坐更清虛予先有醉吟先生傳今故云 梧枝紫袖

教丸藥錫鼓蒼頭遣種蔬却被山僧戲相問一時
改業意何如

百日假滿少傅官停自喜言懷

長告今朝滿十旬從茲蕭灑便終身老嫌手重拋
牙笏病喜頭輕換角巾疎傳不朝懸組綬尚平無
累畢婚姻人言世事何時了我是人間事了人

題崔少尹上林坊新居

坊靜居新深且幽忽疑縮地到滄洲宅東籬缺嵩
峰出堂後池開洛水流高下三層盤野徑沿河十
里汎漁舟若能爲客烹雞黍願伴田蘇日日游

楊六尚書頌寄新詩詩中多有思闕相就之
志因書鄙意報而諭之

君年殊未及懸車未合將閑逐老夫身健正宜金
印綬位高方稱白髮鬚若論塵事何由了但問雲
心自在無進退是非俱是夢丘中闕下亦何殊

偶吟自慰兼呈夢得

予與夢得甲子
同今俱七十

且喜同年滿七旬莫嫌衰病莫嫌貧已爲海內有
名客又占世間長命人耳裏聲聞新將相眼前失
盡故交親尊榮富壽難兼得閒坐思量最要身

宴後題府中水堂贈盧尹中丞

昔予爲尹
日創造之

水齋歲久漸荒蕪自愧甘棠無一株新酒客來方

宴飲舊堂主在重歡娛莫言楊柳枝空老

府妓有歌楊柳

枝曲者因以名焉

直致櫻桃樹已枯

府西有櫻桃園樹為名今樹亦枯也

從我到君十一尹相看自置府來無

自予罷後至中丞凡十一

也尹

和敏中洛下即事

時敏中為殿中分司

昨日池塘春草生阿連新有好詩成花園到處鶯

呼入驄馬遊時客避行水煖魚多似南國人懶塵

少勝西京洛中佳境應無限若欲諳知問老兄

送敏中新授戶部員外郎西歸

千里歸程三伏天官新身健馬翩翩行衝赤日加
餐飯上到青雲穩著鞭長慶老郎唯我在客曹故
事望君傳前鴻後雁行難續相去迢迢二十年
長慶初予爲主客郎中知制誥遷中書舍人去今二十一年也

覽盧子蒙侍御舊詩多與微之唱和感今傷

昔因贈子蒙題于卷後

早聞元九詠君詩恨與盧君相識遲今日逢君開
舊卷卷中多道贈微之相看掩淚情難能別有傷
心事豈知聞道咸陽墳上樹已抽三丈白楊枝

和李中丞與李給事山居雪夜同宿小酌

憲府觸邪義豸角璣闢駁正犯龍鱗

二人當官盛事爲時所稱

也那知近地齋居客忽作深山同宿人一盞寒燈
雲外夜數盃溫耐雪中春林泉莫作多時計諫獵
登封憶舊臣

履道西門二首

履道西門有弊居池塘竹樹遶吾廬
豪華肥壯雖無分飽煖安閑卽有餘
行竈朝香炊早飯小園春煖撥新蔬
夷齊黃綺誇芝蕨比我盤飧恐不如
履道西門獨掩扉官休病退客來稀
亦知軒冕榮堪戀其奈田園老合歸
破甑難隨騏驥足傷禽莫

趁鳳凰飛世間認得身人少我今雖今我庶幾

偶吟

人生變改故無窮昔是朝官今野翁又寄形於朱

紫內漸抽身入蕙荷中

荷衣蕙帶皆楚詞也

無情水任方圓

器不繫舟隨去住風猶有鱸魚尊菜興來春或擬

往江東

雪夜小飲贈夢得

同爲懶慢園林客共對蕭條雨雪天小酌酒巡銷
承夜大開口笑送殘年久將時肯成遺老多被人
呼作散仙呼作散仙應有以曾看東海變桑田

歲暮夜長病中燈下聞盧尹夜宴以詩戲之
且爲來日張本也

藥闌興多嫌晝短衰閒睡少覺明遲
富君秉燭銜杯夜是我停食服藥時
枕上愁吟髮病府中歡笑勝尋醫
明朝強出須謀樂不擬車公更擬誰

病中數會張道士見譏以此答之

亦知數出妨將息不可端
居守寂寥病卽藥窓眠
盡日與來酒席坐通宵
賢人易狎須勤飲姪女難
禁莫慢燒張道士輪白道士一盃沉瀝便逍遙

喜入新年自詠

時年七十一

白鬚如雪五朝臣又值新正第七旬老過占他藍
尾酒病餘收得到頭身銷磨歲月成高位此類時
流是幸人大曆年中騎竹馬幾人得見會昌春

酬南洛陽早春見藥

物華春意尚遲迴賴有東風盡晝夜催寒絕柳腰收
未得煖熏花口噤初關古詩云口噤不能開欲披雲霧聯襟
去先喜瓊琬入袖來久病長齋詩老退爭禁年少

洛陽才

以詩代書酬慕巢尚書見寄

慕巢書中頗切歸休結侶之意

故以此答

書意詩情不偶然若云夢想在林泉願爲愚谷煙
霞侶思結空門香火緣每愧尚書情眷眷自憐居
士病綿綿不知待得幾期否老校於君六七年

春盡日

芳景銷殘暑氣生感時思事坐含情無人開口共

誰語有酒廻頭還自傾醉對數叢紅芍藥渴嘗一

盃綠昌明

蜀茶之名也

春歸自遣鶯留語好作林園三

兩聲

夏日與間禪師林下避暑

洛景墻西塵土紅伴僧閑坐竹泉東綠蘿潭上不

白石灘邊長有風，熱開漸知隨念盡。清涼常

與人同，每因毒暑悲親故。多在炎方瘴海中。是歲

潮韶等郡皆

親友謫居

題新澗亭兼酬寄朝中親故見贈

處披襟風快哉，一亭臨澗四門開。金章紫綬辭

腰去，白石清泉就眼來。自得所宜還獨樂，各行其

志莫相哈。禽魚出得池籠後，縱有人呼可更迴。

病中看經贈諸道侶

右眼昏花左足風，金篦石水用無功。金篦刮眼病見涅槃經破

石水治風，不如迴念三乘樂。便得浮生百病空，無

子同居草菴下

見法華經

有妻偕老道場中何煩更請

僧爲侶月上新歸侍病翁

時適談氏女子自太原初歸維摩詰有女名月

上地

遊豐樂招提佛光三寺

竹鞋葵扇白綃巾林野爲家雲是身山寺每遊多
寄宿都城暫出卽經旬漢容黃綺爲逋客堯放巢
由作外臣昨日制書臨郡縣不談愚谷醉鄉人

池畔逐涼

風清泉冷竹修修三伏炎天涼似秋黃犬引迎騎
馬客青衣扶下釣魚舟衰容自覺宜閉坐蹇步誰

能更遠遊料得此身終老處只應林下與灘頭

談氏小外孫玉童

外翁七十孫三歲笑指琴書欲遺傳自念老夫今
老矣因思稚子更茫然中郎餘慶鍾羊祜子幼能
文似馬遷才與不才爭料得東床空後且嬌憐

初逝

送後集往廬山東林寺兼寄雲臯上人

後集寄將何處去故山迢遞在匡廬舊僧獨有雲
臯在三二年來不得書別後道情添幾許老來筋
力又何如來生緣會應非遠彼此年過七十餘

哭劉尚書夢得二首

四海齊名白與劉百年交分兩綢繆同貧同病退

閉日一死一生臨老頭盃酒英雄君與操

曹公曰天下英雄

雄唯使君與操耳

文章微婉我知丘

仲尼云後世知丘者春秋又云春秋之旨

微而婉也賢豪雖歿精靈在應共微之地下遊

今日哭君吾道孤寢門淚滿白鬚鬚不知箭折弓

何用兼恐屑亡齒亦枯宵窞窮泉埋寶玉變驥

掛桑榆夜臺暮齒期非遠但問前頭相見無

刑部尚書致仕

十五年來洛下居道緣俗累兩何如迷路心廻國

向佛宦途事了是懸車全家遁世曾無悶半俸資
身亦有餘唯是名銜人不會毗耶長者白尚書

初致仕後戲謝留守牛相公

并呈分司諸寮友

南北東西無所羈挂冠自在勝分司探花嘗酒多
先到拜表行香盡不知炮笋烹魚飽後擁袍枕
臂醉眠時報君一語君應笑兼亦無心羨保釐

開龍門八節石灘詩二首

并序

東都龍門潭之南有八節灘九峭石船筏過此
例及破傷舟人檝師推挽束縛大寒之月驟
水中飢凍有聲聞於終夜予嘗有願力及則
之會昌四年有悲智僧道遇適同發心經營
鑿貧者由力仁者施財於戲從古有礙之險
來無窮之苦忽乎一旦盡除去之茲吾所用適

願快心拔苦施樂者耳豈獨以功德福報為意哉因作二詩刻題石上以其地屬寺事因僧故

多引僧言見志

鐵鑿金鉅殷若雷八灘九石劍稜摧竹篙桂檝飛
如箭百筏千艘魚貫來振錫導師憑衆力揮金退
傳施家財他時相逐西方去莫慮塵沙路不開

七十三翁且暮身誓開險路作通津夜舟過此無

傾覆朝脛從今免苦辛十里叱灘變河漢八寒陰

獄化陽春八寒地獄見佛名及涅槃經故以八節灘為比我身雖歿心長

在閻施慈悲與後人

酬寄牛相公同宿話舊勸酒見贈

每來政事堂中宿共憶華陽觀裏時日暮獨歸愁
米盡泥深同出借驢騎交游今日唯殘我富貴當
年更有誰彼此相看頭雪白一盃可合重推辭

道場獨坐

整頓衣巾拂淨床一瓶秋水一盞香不論煩惱先
須去直到菩提亦擬忘朝謁久停收劍佩宴遊漸
罷廢壺觴世間無用殘年處祇合逍遙坐道場

得潮州楊相公繼之書并詩以此寄之

詩情書意兩殷勤來自天南瘴海濱初覩銀鈎還
啓齒細吟瓊什欲沾巾鳳池隔絕三千里嶠舍沉

真十五春唯有新昌故園月至今分照兩鄉人風池

屬舊相也端

舍自謂也

每見呂南二郎中新文輒竊有所歎惜因成

長句以詠所懷

鑿金百鍊少人知縱我知君徒爾為望梅閣老無

妨渴二賢詞藻為贍麗衆多以盡餅尚書不救飢

喻無盆白日迴頭看又晚青雲舉足躡何遲壯年

可惜虛銷擲遣把閒杯吟詠詩

贈諸少年

少年莫笑我蹉跎聽我狂翁一曲歌入手榮名取

雖少關心穩事得還多老慙退馬露芻秣謂致仕半俸也
高喜歸鴻脫七羅官給俸錢天太與壽終此少貧病奈
吾何

感所見

巧者焦勞智者愁愚翁何喜復何憂莫嫌山木無人用
大勝籠禽不自由網外老雞因斷尾盤中鮮鱠爲吞鉤
誰人會我心中事冷笑時時一掉頭

六年立春日人日作

二日立春人七日盤蔬餅餌逐時新年方吉鄭猶爲
少家比劉韓未是貧鄉園節歲應堪重親故歡

遊莫厭頻試作循潮封眼想何由得見洛陽春分司

致仕官中吉傳鄭諮議最老韓庶子劉員外尤貧循潮封三郡遷客皆洛下舊遊也

詠身

自中風來三歷閏

病風八年凡三閏矣

從懸車後幾逢春周

南留滯稱遺老

見太史公傳

漢上羸殘號半人

見習鑿齒傳

薄有文章傳子弟斷無書札答交親餘年自問將

何用恐是人間賸長身

予與山南王僕射淮南李僕射事歷五朝踰

三紀海內年輩今唯三人榮路雖殊交情不

替聯題長句寄舉之公垂二相公

故交海內只三人二坐巖廊一臥雲老愛詩書還
似我榮兼將相不如君百年膠漆初心在萬里煙
霄中路分阿閣鸞鳳野田鶴何人信道舊同羣

讀道德經

玄元皇帝著遺文鳥角先生仰後塵金玉滿堂非
已物子孫委蛻是他人世間盡不關吾事天下無
親於我身只有一身宜愛護少教冰炭逼心神

送滕庶子致仕歸婺州

以下十首錢太史家本補

春風秋月携歌酒八十年來翫物華已見曾孫騎
竹馬猶聽侍女唱梅花入鄉不杖歸時健出郭乘

輶到處誇兒着繡衣身衣錦東陽門戶勝滕家

送劉郎中赴任蘇州

仁風膏雨去隨輪勝境歡遊到逐身水驛路穿兒

店月花船棹入女湖春

語見店女墳湖皆勝地也

宣城獨詠窓

中岫柳憚單題汀上蘋何似姑蘇詩太守吟詩相

繼有三人

頃吳郡日劉嘗贈予詩云蘇州刺史例能詩西掖今來替左司故有三人之戲

耳

福先寺雪中餞劉蘇州

送君何處展離筵大梵王宮大雪天庾嶺梅花落

歌管謝家柳絮撲金田亂從紈袖交加舞醉入籃

舉取次眠却笑召鄒兼訪戴只持空酒駕空船

除夜言懷兼贈張常侍

三十六旬今夜盡六十四年明日催不用歎身隨
日老亦須知壽逐年來加添雪興憑蠶帳消殺春
愁付酒杯唯恨詩成君去後紅牋紙卷爲誰開

送張常侍西歸

二年花下爲閒伴一旦樽前棄老夫西午橋街行
帳望南龍興寺立踟躕洛城久住留情否騎省重
歸稱意無出鎮歸朝但相訪此身應不離東都

和河南鄭尹新歲對雪

白雲吟詩鈴閣開故情新興兩徘徊昔經勤苦照
書卷今助歡娛飄酒盃楚客難酬郢中曲吳公兼
占洛陽才銅街金谷春知否又有詩人作尹來

吹笙內人出家

雨露難忘君念重電泡易滅妾身輕金刀已剃頭

然髮

佛經云若
剃頭然

玉管休吹腸斷聲新戒珠從衣裏

得初心蓮向火中生道場夜半香花冷猶在燈前
禮佛名

醉中見微之舊卷有感

今朝何事一沾襟檢得君詩醉後吟老淚交流風

病眼春牋搖動酒悲心銀鉤塵覆年年暗玉樹泥
埋日日深聞道墓松高一丈更無消息到如今

壽安歇馬重吟

春衫細薄馬蹄輕一日遲遲進一程野棗花含新
窰氣山禽語帶破匏聲番鞭晚就槐陰歇低唱聞
衝柳絮行忽憶家園須速去櫻桃欲熟笋應生

贈張處士山人

羅襟蕙帶竹皮巾雖到塵中不染塵每見俗人多
慘澹惟逢美酒卽殷勤浮雲心事誰能會老鶴風
標不可親世說三生如不謬其疑巢許是前身